

**Samningur
mennta- og menningarmálaráðuneytis
við Landssamband æskulýðsfélaga
um ráðstöfun rekstrarframlags í fjárlögum**

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Landssamband æskulýðsfélaga, kt. 541004-4750, í samningi þessum nefnt LÆF, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- Efla starfsemi LÆF og aðildarsamtaka þeirra. Koma til þeirra upplýsingum um möguleika ungs fólks m.a. með þátttöku í erlendu samstarfi.

1.2. Starfsemi

- Stuðningur ríkisins við starf LÆF tekur mið af gildi starfsins sem félags-, forvarna-, uppeldis- og menntunarvettvangs barna og ungmenna. Samtökin skuli jafnframt vinna með verkefni gegn einelti og hverskonar ofbeldi.
- LÆF er samstarfsvettvangur sjálfboðaliðasamtaka sem leggja sérstaka áherslu á virka þátttöku ungs fólks í samféluginu.
- Samtökin hafi aðgerðaráætlun ef upp koma mál er tengjast kynferðislegu ofbeldi eða einelti. Samtökin vinni gegn hatursorðræðu á netinu eða í starfinu.

2. Forsendur samnings og lagaheimildir

2.1. Framlag ráðuneytisins til samnings þessa á árinu 2016 er 4 m.kr.

2.2. LÆF starfar samkvæmt skipulagsskrá sem var samþykkt á stofnfundi LÆF 13. október 2004.

2.3. LÆF starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

3.1. LÆF ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. LÆF skal geta lagt fram gögn og skýrslur þessu til staðfestingar, sé eftir því leitað.

3.2. LÆF ber ábyrgð á skuldbindingum sem það eða aðilar á þess vegum stofna til í tengslum við samning þennan.

3.3. LÆF er óheimilt að:

3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.

3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir framlag í tveimur jöfnum hlutum, 1. apríl og 1. ágúst. Greitt er inn á bankareikning í viðskiptabanka LÆF.
- 4.2. LÆF skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok mars.
 - 4.2.2. Endurskoðum ársreikningi ársins á undan með skýringum fyrir lok júní og skal afrit jafnframt sent Ríkisendurskoðun.
- 4.3. Eigi LÆF í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar , samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og LÆF funda að lágmarki árlega um samninginn.
- 5.3. Fyrir lok nóvember skilar LÆF ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. LÆF skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. LÆF veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning LÆF, greinargerð um framkvæmd samnings og úttektarskýrslur skal birta á vef LÆF jafnóðum og þessi gögn liggja fyrir.
Ráðuneytinu er heimilt að birta gögnin á vef sínum.

6. Vanefndir og meðferð ágreinings

- 6.1. LÆF tilkynnir ráðuneytinu tafarlaus ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli LÆF ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. janúar til 31. desember 2016.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.

- 7.3. Óski annar hvor aðila eftir að segja samningnum upp skal það gert skriflega með
þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 5. apríl 2016



Karitas H. Gunnarsdóttir, skrifstofustjóri



Natan Þórunnar-Kolbeinsson, formaður
Landssambands æskulýðsfélaga